



## Universitätsbibliothek Paderborn

**Iacobi Llobetii Leodiensis E Societate Iesv. Specvlvm  
Ecclesiasticorvm, Ac Religiosorvm.**

**Llobet de Lanthin, Jacques**

**Leodii, 1640**

§. Primus. Sitne Missa nouum, an antiquum nomen?

[urn:nbn:de:hbz:466:1-47105](#)

## §. PRIMVS.

*Sitne Missa nouum, an Antiquum nomen?*

**N**on ita pridem in Gallia Ministellus aliquis in Sacerdotem Catholicum incidit, ex eo-  
que quæsiuit, cui rei potissimum vacaret, subiunxit ille Missæ Deo immortali offerendæ: hic subrisit Ministellus, & satis opportunè, nactus hominem plus æquo ignarum, callidè querere, & yrgeret cœpit: quid nominis esset *Missa*, quæ eius notio? & vnde petita. Cumque hic ex ignorantia, ruboreque subticisset Sacerdos: tum quasi victo insultans Minister. Egregium sanè, inquit, sacrificulum, qui sacrificium, & Missam, quam in dies singulos peragit, ne de nomine quidem nouerit, ablegandum esset hoc genus hominum ad grammaticam, ut in ea vocum suarum notionem & etymon inueniret: sed nimirum non inueniret: est enim Missa nouum, insolens, Papisticum nomen, antiquis sæculis inauditum, atque etiam grammaticis ignotum. Sic ea quæstio in risum abijt, in scommata, & calumnias, quas suo more, genioque Ministellus ille in Papistas, Romanamque Ecclesiam coniucere cœpit: sunt enim huius farinæ homines in paucis facundi, & dicaces, ubi nemo est, qui verbosam illam eloquentiam, & maledicendi pruriginem coercent, neruo senioris doctrinæ, sacræque eloquentiæ: ego etsi ab illa

248 SPECVLVM ECCLESIASTICORVM,  
illa minus instructus; dicam tamen, & ex Antiqui-  
tatis fide nonnulla eruam testimonia, quibus ea  
calumnia diluatur, pateatque Missæ nomen, non  
esse nouum inuentum, sed à maioribus nostris v-  
surpatum.

Vt nos arguerent nouitatis, ipsi Nouatores finxe-  
runt Missæ nomen, primum à D. Gregorio exco-  
gitatum, & in sacras tabulas admissum: est tamen  
insignis ea calumnia inusta nomini, bonæque fa-  
mæ tanti Pontificis: ex vero enim Missæ nomen  
iam inde à primis sæculis, ipsaque propè nascentis  
Ecclesiæ infantia audiri cæptum, producamus in  
medium luculenta veterum super ea re testimonia.

Clemens Romanus, qui passus anno Domini  
secundo supra centesimum Epistola tertia memi-  
nit huiuscem nominis. *Sacrificare, inquit, & Missas  
celebrare non licet, nisi in ijs locis, in quibus Episcopus  
proprius iussit.*

Ei consentit Euaristus, qui vixit anno Domini  
Apud Bu-  
chardum  
l. 3. c. 27. duodecimo supra centesimum: ita enim habet. *Om-  
nes basilicæ semper cum Missa debent consecrari.*

Consonat Alexander, qui Euaristo successit, vi-  
gintique anno Domini vigesimo primo supra cen-  
tesimum. Hic in Epistola ad Orthodoxos, capite  
De con-  
secrat. d.  
3. quarto, & canone: *in Sacramentorum apud Gratia-  
num, ita loquitur.*

*In Sacramentorum oblationibus, quæ inter Mis-  
sarum*

*sarum solemnia Domino offeruntur, Paſſio Domini  
mīscenda, ut eius cuius corpus, & ſanguis conficitur:  
Paſſio celebretur.*

Hoc fuit decretum, hoc oraculum magni Pontificis, è quo hæc ad fidei nostræ lucem audiant nouatores. Primum oblationes à fidelibus primis illis sæculis fieri solitas, ne nos in ijs & nouitatis, & auaritiæ insimulent; tum Missarum solemnia, & in illis Christi corpus, & sanguinem confici credant, edocti testimonio, calculoque venerandæ Antiquitatis.

His addi possent longa serie secuti summi Pontifices. Telesphorus. Hyginus. Pius primus. Soter. alijque quos studio breuitatis omitto, ne cartham onerem multis testimonij, in argumento satis obuio, & noto. Videri potest super ea re Gratianus. Et Romanum Concilium sub Syluestro anno Domini vigesimo quarto supra ter centesimum. Carthaginense secundum Anno ter centesimo nonagesimo septimo. Arelatense tertium Anno quadrincentesimo quinquagesimo tertio, aliaque Concilia, in quibus leges antiquum, & venerandum Missæ nomen, & fidem, consensumque totius Antiquitatis, cui reluctari ut nouum est, ita insolens, atque intolerabile.

Certè ex hæreticis huius ævi fatentur plerique omnes fidei dogmata, ritusque ac institutiones tri-

I i bus,

250 SPECVLVM ECCLESIASTICORVM,  
bus, quatuorve primis sæculis illibatas fuisse, licet  
postea labente ætate, collapsas velint, non ex verita-  
te, sed ex suo genio: de quo ut in præsentia non  
querar, assumo tamen quod vltro mihi concedi-  
tur, & cum primis illis sæculis auditum sit Missæ  
nomen, non nouum, sed antiquum esse concludo:  
finioque cum illustri D. Hieronymi testimonio,  
qui & ipse aurea illa, & incorrupta sæcula spectauit:  
ita porro sentit, ac loquitur.

In c. II.  
P. 18. Notandum autem, quod et si impijs post mortem  
ffpes venie non est, sunt tamen qui de leuioribus pec-  
catis, cum quibus obligati defuneti sunt, post mortem  
possunt absolui, vel pœnis videlicet castigati, vel  
suorum precibus, & eleemosynis, Missarumque cele-  
brationibus.

§. 2.

Quæ notio, & etymologia huius nominis  
Missa?

C Atholicos inter, & hæreticos non tantum de  
antiquitate vocis est quæstio, sed & de ipsa  
notione, germanaque etymologia.

1.4. Inst. c. 18. §.  
18. Caluinus vir ut perspicacis, ita maligni ingenij  
contendit Missam appellatam esse à mittendis in  
medium muneribus, quasi symbolis quibusdam,  
vnde fieret sacra cœna, itaque confundit Missam  
cum Agape primorum Christianorum, in qua pau-  
peribus epulum parabatur. In hanc sententiam iuit

Caluinus,